

A2^r

Vorred zum Lefer.

NAch dem sich zů vnn^r
fern zeyten im Artickel von
dem hayligen Sacrament
des leibs vnd blůts Chrifti/ vnd beim
Nachtmal des Herren/ manicherlay
mißuerftand erhebt vnd zůgetragen/
vnd aber der hailig Auguftinus von
allen parthen vnnd thailen/ ja von
der gantzen Chriftenlichē kirchen/ in
difer materi/ mainung vnd handel zů
gelaffen/ als vnuerwürfflich ange=
nommen/ wie er auch im Decret deß=
halben wirdt citiert/ angezogen vnd
fürgefellt.

So ift hierauff von etlichen/ die es
auch gern gůt fehen wöltē/ ain Sum=
marium/ auß dem/ was er über das
fechft Capitel des Euangeliften Jo=
hannis/ von difem herrlichen handel
hat gefchriben/ trewlich verteutfcht/
außzogen/ vnd meniglichem zů gůt
inn den truck gefertigt/ ob der barm^r

A2^v

hertzig Got durch difen lerer der kir-
chen/ Nämlich durch den hayligen
Auguftinum/ fein lere vñ alle Chrif-
liche hertzen wöllt verainigen vnnd
befriden/ auff das fy allenthalben inn
obgemeltem artickel/ zů ainer war-
hafftigen befändigen Concordien/
vnnd einhelligem verftand möchten
kommen.

Das laffe dir gũthertziger Gotts-
fórchtiger lefer/ auß erzelter vrfach an-
genãm vnd befolhen fein/ biß die gan-
tze außlegung vnd erklárung Augu-
ftim über gedachts fecht capitel Jo-
hannis auch hernach kumpt. Dartzů
der Herre Chrifus feinen himlifchen
legen wölle verleyhen/ das es yeder-
man zur befferung/ frid/ liebe
vnnd ainigkait/ feliglich
raychen vnnd gedey-
hen müge/
Amen.